

Cyfle am Gyllid ar gyfer Seilwaith Digwyddiadau Cymunedol

Deallwn fod ein trigolion yn cael budd mawr o ddigwyddiadau lleol a bod angen gwneud y digwyddiadau hynny'n fwy cynaliadwy ac yn haws i gymunedau eu cynnal.

Mae Cyngor Sir Ddinbych wedi sefydlu cronfa i gynnig grantiau untro er mwyn gwella'r seilwaith yn ein cymunedau i'r bobl hynny sy'n cynnal ac yn trefnu digwyddiadau cymunedol yn Sir Ddinbych.

Cymorth a chyllid sydd ar gael

Dosreennir yr arian i nifer gyfyngedig o ymgeiswyr dethol er mwyn [datblygu a gweithredu](#) prosiectau all gyflawni'r canlyniadau allweddol canlynol:

- Haws cynnal digwyddiadau a medru'u trefnu'n fwy effeithlon
- Digwyddiadau'n fwy cynaliadwy
- Digwyddiadau'n medru cynnig gwell profiad i bawb

Mae cyfanswm o £128,000 ar gael i'w rannu rhwng ymgeiswyr llwyddiannus ledled Sir Ddinbych. Er na phennwyd uchafswm ar gyfer grantiau unigol, anogir ymgeiswyr â syniadau mwy uchelgeisiol i chwilio am arian cyfatebol ar gyfer eu prosiectau os oes modd.

Bydd Swyddog Datblygu Cymunedol ar gael bob cam o'r ffordd i gynnig cyngor a chymorth a meithrin cyswllt ag adrannau o'r Cyngor fel y bo'r angen (Priffyrdd, er enghraifft). Efallai y bydd cymorth ar gael ichi geisio am arian cyfatebol hefyd.

I gael rhagor o wybodaeth, cysylltwch â datblygucymunedol@sirddinbych.gov.uk neu communitydevelopment@denbighshire.gov.uk, neu ffoniwch Joanne Taylor, Rheolwr Prosiect, ar 01824 706142.

Canllawiau ar gyfer Prosiectau

Neilltuir y gronfa ddigwyddiadau'n llwyr ar gyfer prosiectau sy'n darparu a fydd yn helpu i sicrhau bod digwyddiadau cymunedol yn Sir Ddinbych yn gynaliadwy ac yn hirbarhaol. Gallai'r prosiectau hyn fod yn gysylltiedig â thir neu asedau dan reolaeth Cyngor Sir Ddinbych. Mewn achosion felly bydd y gwasanaeth perthnasol yn ystyried dichonolrwydd y prosiect yng ngham cyntaf yr asesiad. Mae hynny'n golygu na fydd angen i'r ymgeiswyr feithrin cyswllt â'r adrannau perthnasol cyn cyflwyno eu Cynigion Prosiect. Os bydd cais yn mynd ar y rhestr fer, bydd angen i'r ymgeisydd ddarparu mwy o fanylion a chostau llawn.

Dylech roi ystyriaeth i bethau a fydd yn cael effaith go iawn a phennu canlyniadau pendant. Rhoddir ffafiaeth yn y broses ddethol i brosiectau a fedrai ddod â budd i nifer o ddigwyddiadau neu'r gymuned ehangach.

Rhaid cwblhau'r prosiect cyn pen dwy flynedd ar ôl dyddiad dyfarnu'r cyllid.

Cymhwyster

Mae'r gronfa'n agored i geisiadau gan [Gynghorau Dinas, Tref a Chymuned](#), ac fe'u hanogir i weithio mewn partneriaeth â threfnwyr digwyddiadau lleol wrth ddatblygu'r Cynnig Prosiect a'i gyflwyno. Croesewir ceisiadau uniongyrchol gan grwpiau cymunedol hefyd, gyda chefnogaeth [Cynghorau Dinas, Tref a Chymuned](#).

Nod y gronfa yw gwella'r seilwaith ar gyfer digwyddiadau cymunedol bach a chanolig, a diffinir y rheiny fel digwyddiadau a drefnir yn bennaf er budd y gymuned leol, gyda lle i hyd at 5,000 o bobl.

Sut i wneud cais

Gwahoddir ymgeiswyr sy'n cynnal neu'n trefnu digwyddiadau cymunedol bach a chanolig i gyflwyno eu syniadau am brosiectau drwy lenwi'r ffurflen Cynnig Prosiect isod a'i chyflwyno erbyn 30/09/2021 fan bellaf drwy e-bostio datblygucymunedol@sirddinbych.gov.uk neu communitydevelopment@denbighshire.gov.uk.

Yng ngham cyntaf y drefn asesu bydd swyddogion a phartneriaid allweddol yn rhoi sgôr i bob cynnig prosiect ar sail yr effaith bosib yng nghyd-destun y canlyniadau allweddol isod, ac yn llunio'r rhestr fer ar sail hynny:

- Haws cynnal digwyddiadau a medru'u trefnu'n fwy effeithlon
- Digwyddiadau'n fwy cynaliadwy
- Digwyddiadau'n medru cynnig gwell profiad i bawb

Yna cyflwynir y prosiectau ar y rhestr fer i'r Bwrdd ar gyfer penderfyniad. Gwahoddir yr ymgeiswyr llwyddiannus i gwrdd â'r swyddogion perthnasol i ddatblygu'r prosiect a chynllunio'r ddarpariaeth.

Hysbysiad Pwysig ynghylch Prynu Cyfarpar ar gyfer Digwyddiadau

Yn ystod 2021-22 bydd Cyngor Sir Ddinbych yn lansio cynllun arall i gefnogi digwyddiadau cymunedol yn Sir Ddinbych. Drwy'r cynllun hwnnw byddwn yn cynnig amrywiaeth o gyfarpar digwyddiadau i bobl eu llogi am brisiau rhad. Felly, ni fydd y gronfa hon yn cynnig cymorth ariannol i brynu cyfarpar symudol.

Ffurflen Cynnig Prosiect

Defnyddir yr wybodaeth a ddarperir yn y ddogfen hon fel rhan o'r broses o sicrhau y rhoddwyd ystyriaeth drylwyr i'r cynnig ac wrth asesu addasrwydd y prosiect i dderbyn cyllid.

Enw'r Prosiect:	Gwelliannau Trydanol i Ddigwyddiadau Sgwar Rhuthun
Dyddiad cwblhau'r ffurflen:	26/07/2021

Manylion Arweinydd y Prosiect

Enw:	Kate Harcus
Rhif ffôn:	01824 703797
Cyfeiriad e-bost:	Kate.harcus@theoldcourthouse.wales
Cyfeiriad:	Yr Hen Lys Sgwar San Pedr Rhuthun Sir Ddinbych LL15 1AA

Disgrifiwch eich prosiect

Yn y rhan hon dylid rhoi disgrifiad byr o'r prosiect a gynigir, gan gynnwys pa heriau y byddai'r prosiect yn eu goresgyn er budd pobl sy'n cynnal neu drefnu digwyddiadau. Dylid tybio nad yw'r asesydd yn gwybod y cefndir o gwbl. Dylid amlygu hefyd unrhyw brofiad o gynnal digwyddiadau neu weithredu prosiectau tebyg yn y gorffennol.

Mae Sgwar San Pedr yn ganolbwynt i'r gymuned leol ar adegau penodol o'r flwyddyn, boed yn Nons Galan, digwyddiad Top Dre Gwyl Rhuthun, marchnadoedd rheolaidd, y ffair Nadolig ayyb.

Yn dilyn ymgynghoriad gyda nifer o drefnwyr digwyddiadau, mae'r Cyngor Tref wedi canfod angen cyffredinol am gyflenwad trydanol dibynadwy ar gyfer y digwyddiadau yma, boed yn nifer o stondinau marchnad angen pŵer ar gyfer oergelloedd neu bwrpas arall, neu bŵer ar gyfer system sain er enghraifft ar gyfer digwyddiad Top Dre Gwyl Rhuthun neu adloniant/dathliadau ar y sgwar ar adeg y ffair Nadolig neu Noson Galan. Ar hyn o bryd, nid oes cyflenwad pŵer addas ar gyfer pŵrpas pob digwyddiad o ran cyflenwad trydanol sydd yn golygu fod y cyflenwad o hyd mewn perygl o dan-gylchedu neu dorri allan yn gyfan gwbl, a mewn rhai amgylchiadau maent yn ddibynnol ar berchnogwyr eiddo preifat wedi eu lleoli o gwmpas y sgwar ar gyfer cyflenwad trydanol i'w digwyddiad. Mae gyd ohonynt wedi eu cyflenwi o socedau 13 amp sydd ddim i'w gynghori pan yn defnyddio nifer o offer trydanol e.e. nifer o oergelloedd mewn marchnad, neu system sain llawn ar gyfer digwyddiad Top Dre Gwyl Rhuthun neu Noson Galan. Yn y gorffennol, mae rhai trefnwyr digwyddiadau hyd yn oed wedi hurio generaduron ar gost sylweddol i gyflenwi trydan ar gyfer eu digwyddiad.

I'w roi yn syml, mae sgwar y dref angen cyflenwad mwy grymus a dibynadwy o drydan mewn mwy nag 1 lleoliad ar gyfer digwyddiadau cymunedol gael eu cynnal yng nghanol y dref yn rheolaidd.

O ran y cyfenogaeth ar gyfer y prosiect yma, Rydym gyda chefnogaeth llawn Gwyl Rhuthun, Ymlaen Rhuthun, Marchnad Artisan Rhuthun ac wrth gwrs Cyngor Tref Rhuthun. Yn ddiweddar, mae'r Cyngor Tref wedi adfer yr Hen Lys ar y sgwar felly gyda digonedd o brofiad mewn rhedeg prosiect o'r fath, yn ogystal a'r ffaith fod y prosiect ddim yn un hynod o gymhleth gan ddefnyddio 2 gyflenwr cymwys a phrofiadol, a gallu dibynnu ar brofiad ac arbenigedd nifer o drefnwyr digwyddiadau yn y dref sydd yn cefnogi y prosiect. Yn sgil cynllun y sgwar, byddai angen 2 bwynt trydanol – y cyntaf yn adeilad y Cyngor Tref yn yr Hen Lys, a'r ail yng Nghloc Tref Rhuthun (a elwir hefyd fel Cofeb Peers) sydd yn eiddo Cyngor Sir Ddinbych. Mae'r ddau gyda cyflenwad trydanol ar hyn o bryd a allai gael eu uwchraddio yn rhwydd fel rhan o'r prosiect yma.

Caniatad gan y Perchnogion

Fe wnaeth Cyngor Tref Rhuthun yn unfrydol roi eu caniatad ar gyfer 2 x sced 32 amp gael eu gosod yn y cwpwrdd TG yn yr Hen Lys, sydd yn cefnu tuag at Sgwar San Pedr gyda drws bach ar gyfer mynediad allanol.

Mae'r Cyngor Tref drwy Grwp Afer Cloc Tref Rhuthun wedi bod mewn cyswllt gyda perchnogion y Cloc yn barod, sef y swyddogion yn Adran Eiddo ac Ystadau Cyngor Sir Ddinbych (Rebecca Williams a Robin Evans) sydd wedi rhoi eu caniatad yn ysgrifenedig ar gyfer y gwaith yma gael ei gwblhau i'r Cloc, ar yr amod fod tystysgrif gosod trydanol yn cael ei sicrhau gan yr ymarferydd trydanol (a copi o'r tystysgrif yn cael ei gyflenwi iddynt) sydd ddim yn broblem a sydd yn weithdrefn gyffredin.

Gan fod y ddau adeilad yn rai rhestredig, rydym wedi ymgynghori gyda Chris Evans, Swyddog Cadwraeh Cyngor Sir Ddinbych am y gwaith arfaethedig (mae wedi gweld yr amcanbrisiau ar gyfer y gwaith) a nid yw gyda unrhyw wrthwynebiad ar yr amod ei fod yn cael sgwrs sydyn gyda'r cyflenwr trydanol o flaen llaw i gael dealltwriaeth llawn o'r gwaith cyn iddynt gael eu cwblhau.

Gwaith i'w gwblhau

Mae'r Cyngor Tref drwy Gwyl Rhuthun wedi sicrhau amcanbrisiau gan gyflenwr lleol safonol ar gyfer y gwaith trydanol gael ei gwblhau, a wnaeth gwblhau yr holl waith trydanol ar yr Hen Lys yn ystod ei adfer, sydd felly efo'r arbenigedd mewn gosod systemau trydanol newydd mewn adeiladau rhestredig o bwysigrwydd hanesyddol. Y cyflenwr yw Adam Kell (Kellelectrics) – mae wedi ymweld gyda'r ddau safle ei hun i gael dealltwriaeth llawn o'r gwaith sydd ei angen.

Cloc y Dref – I ail-wirio y prif fwrdd dosbarthu a rheoli tu fewn y cloc gan gynnwys diogelwch defnyddwyr. Yr ail-weirio yn cynnwys 9 x allfa soced dwbl ar 3 cylched ac 1 x cylched allfa soced 32 amp a swits ar gyfer cylched newydd arwahan ar gyfer rheolydd amseru golau y cloc. Yr holl geblau i gael eu gosod mewn cyflwr PVC. Tra ddim wedi ei gysylltu yn uniongyrchol, bydd y gwaith yn rhan o waith pwyllgor adfer y cloc i gael yr adeilad wedi ei adfer i'w ogoniant gorffennol a darparu cyflenwad pŵer trydanol addas ar gyfer unrhyw gontractwyr yn gwneud gwaith ar y cloc fel rhan o'r adferiad arfaethedig. Mae'r Cyngor Tref wedi cysylltu gyda'r arbenigwyr cloc sydd yn gwasanaethu mecanwaith y cloc yn flynyddol sydd wedi ein hysbysu os yw'r pŵer yn cael ei ddiffodd tra mae'r trydanwr yn gwneud ei waith, mae hynny yn dderbyniol gan fod wedyn pan mae'r pŵer yn cael ei adfer i fecanwaith y cloc (yn dilyn y gwaith yn cael ei gwblhau), bydd y cloc yn dychwelyd i'r amser cywir yn awtomatig. Fodd bynnag, fel mesur rhagofal a fel ydym wedi cael ein cynghori gan Smith of Derby rydym wedi cynnwys cyllid ar gyfer peiriannydd gan Smith of Derby i ddod draw yn syth ar ol y gwaith trydanol i sicrhau fod mecanwaith y cloc mewn cyflwr gweithiol da.

Yr Hen Lys – Gosod 2 x cysylltydd plwg commando 32 amp gydag swits ynysydd cylchol yn cwpwrdd mains y Neuadd gyda rebo newydd i warchod y cylched yn ur ned defnyddwyr. Fel sydd wedi ei ddisgrifio yn barod, mae'r trydanwr yn gwbl ymwybodol o'r system drydanol yn yr adeilad gan mai ef wnaeth ei osod.

Costau

Mae'r costau prosiect wedi eu amlinellu yn glir yn yr adran gyllid o'r cais yma (a'r amcanbrisiau wedi eu atodi). Gan fod peth amser wedi mynd heibio bellach ers gwnaeth Kellelectrics baratoi yr amcanbrisiau yn Rhagfyr 2020, mae Adam Kell wedi cadarnhau y bydd y prisiau amcanbris yn parhau i fod yr un peth a bydd yn gallu cwblhau y gwaith o fewn 2 mis o gael ei gomisiynu i'w gwneud.

Mae'r costau fel a ganlyn –

Gwaith Trydanol yn yr Hen Lys = £280.00

Gwaith Trydanol yn Cloc Tref Rhuthun = £640.00

Gwaith arolygu mecanwaith y Cloc yn dilyn y gwaith trydanol = £150.00

Cyfanswm = £1070.00 (ddim yn cynnwys TAW)

Costau trydanol parhaus

Cloc y Dref – Mae'r Cloc yn eiddo Cyngor Sir Ddinbych felly mae unrhyw filiau cyfleustodau gan gynnwys

trydan yn cael eu talu ganddynt hwy, a bydd unrhyw ddefnyddwyr posib o system drydanol y Cloc angen gofyn caniatad am ddefnydd ganddynt hwy. Mae Rebecca Williams yn Adran Asedau ac Ystadau CSDd wedi cadarnhau yn ysgrifenedig eu bod yn eu disgresiwn nhw os fyddant yn codi ffi ar grwp neu sefydliad am ddefnydd trydan ar sail faint o drydan a ddefnyddir. Fodd bynnag, maent wedi cadarnhau ni fyddant yn codi ffi ar ddigwyddiadau cymunedol neu farchnadoedd a fydd yn defnyddio y cloc fel ffynhonnell drydan e.e. Gwyl Rhuthun, Ffair Nadolig Rhuthun, marchnadoedd ayyb gan eu bod eisiau cefnogi digwyddiadau cymunedol a mae nifer o'r rhain wedi bod yn digwydd am nifer o flynyddoedd yn defnyddio trydan y cloc (felly ar gyfer rhain bydd CSDd yn talu unrhyw gostau trydan). Yr unig sefyllfa pan fyddant yn codi ffi fydd os yw sefydliad busnes neu fasnachol eisiau defnyddio trydan y cloc (sydd heb ddigwydd ar unrhyw adeg yn y gorffennol), pan fyddant yn cymryd darlleniad meter cyn ac yn dilyn defnydd trydan, a codi ffi addas.

Yr Hen Lys – Mae'r adeilad yn eiddo Cyngor Tref Rhuthun felly mae unrhyw filiau cyfleustodau gan gynnwys trydan yn cael eu talu ganddynt hwy, a bydd unrhyw ddefnyddwyr posib o system drydanol yr adeilad angen gofyn caniatad am ddefnydd ganddynt hwy. Mae'r Cyngor Tref wedi cadarnhau eu bod yn eu disgresiwn nhw os fyddant yn codi ffi ar grwp neu sefydliad am ddefnydd trydan ar sail faint o drydan a ddefnyddir. Fodd bynnag, maent wedi cadarnhau ni fyddant yn codi ffi ar ddigwyddiadau cymunedol neu farchnadoedd a fydd yn defnyddio y cloc fel ffynhonnell drydan e.e. Gwyl Rhuthun, Ffair Nadolig Rhuthun, marchnadoedd ayyb gan eu bod eisiau cefnogi digwyddiadau cymunedol a mae nifer o'r rhain wedi bod yn digwydd am nifer o flynyddoedd yn defnyddio trydan y cloc (felly ar gyfer rhain bydd CTR yn talu unrhyw gostau trydan). Yr unig sefyllfa pan fyddant yn codi ffi fydd os yw sefydliad busnes neu fasnachol eisiau defnyddio trydan y cloc (sydd heb ddigwydd ar unrhyw adeg yn y gorffennol), pan fyddant yn cymryd darlleniad meter cyn ac yn dilyn defnydd trydan, a codi ffi addas.

Disgrifiwch eich cynllun cyflawni

Yn y rhan hon dylid rhoi disgrifiad byr o'r gweithgareddau a gynigir a'r amserlen

Yn ddibynnol ar pryd fydd y nawdd yn cael ei gymeradwyo (ac os yn cael ei gymeradwyo), bydd y cyngor tref ar unwaith yn cysylltu efo'r trydanwr i gwblhau y gwaith angenrheidiol cyn gynted a phosib. Gobeithir fydd y gwaith yn gallu cael ei gwblhau o fewn 2 fis o'r trydanwr yn cael cyfarwyddyd i barhau efo'r gwaith (a mewn da bryd cyn digwyddiad Top Dre arfaethedig Gwyl Rhuthun yn Gorffennaf 2022). Mae'r arbenigwyr Cloc Smith of Derby wedi cadarnhau eu bod yn fodlon mynychu yr adeilad unrhyw adeg gda rhybudd o ychydig ddiwrnodau a byddant yn cael cyfarwyddyd i fynychu yr adeilad y diwrnod ar ol y trydanwr gwblhau ei waith.

Mae'r trydanwr wedi ein hysbysu fydd y gwaith ar y ddau safle ond yn cymryd dim mwy nag 1 diwrnod. Felly, yn sgil yn gobeithir an wnaiff y prosiect gymryd mwy na 3 mis i'w gwblhau, ond mwy na thebyg mewn cyfnod amser llawer llai yn ddibynnol ar amserlen gwaith y trydanwr.

Disgrifiwch sut fydd eich prosiect yn cyflawni'r canlyniadau allweddol isod

Haws cynnal digwyddiadau a medru'u trefnu'n fwy effeithlon

Sut fydd eich prosiect yn ei gwneud yn haws cynnal digwyddiadau yn y dyfodol? Pa heriau presennol fydd eich prosiect yn eu goresgyn?

- Marchnadoedd a digwyddiadau eraill yn gallu cael eu cynnal ar y sgwar gyda cyflenwad dibynadwy ac o faint addas o drydan – h.y. cyflenwad trydan sydd yn cwrdd yr angen
- Bydd y cyflenwad trydan yn hygyrch o 2 bwynt ar y sgwar i fod yn addas ar gyfer unrhyw fath o ddigwyddiad a gynhelir sydd yn golgyu cyflenwad trydan yn hygyrch o unrhyw bwynt ar y sgwar
- Diweddu yr angen ar gyfer hurio generadur neu ofyn am gyflenwad trydan gan berchnogwyr eiddo preifat

Digwyddiadau'n fwy cynaliadwy

Disgrifiwch sut fydd eich prosiect yn helpu i wneud digwyddiadau'n fwy cynaliadwy yn y dyfodol.

- Bydd digwyddiadau yn y dyfodol yn fwy cynaliadwy drwy leihau y costau o sicrhau cyflenwad trydan, gan osgoi costau dewisiadau amgen megis hurio generaduron neu ofyn am gyflenwad trydan gan berchnogwyr eiddo preifat ar y sgwar
- Sicrhau cyflenwad trydan o dafon sydd yn lwyr hygrych ar gyfer trefnwyr digwyddiadau ar y sgwar sydd yn gwneud digwyddiadau yn fwy cynaliadwy
- Lleihau y risgiau sydd yn cael eu cynyddu gan gyflenwadau trydan annibynadwy sydd yn fygythiad uniongyrchol i ddigwyddiadau a gall effeithio'n ddifrifol ar eu cynaliadwyedd a'u enw da

Digwyddiadau'n medru cynnig gwell profiad i bawb

Disgrifiwch sut fydd eich prosiect yn gwella'r profiad i bawb sy'n rhan o'r digwyddiad. Gallai hyn gynnwys pethau fel gwella hygyrchedd a chreu seilwaith o well ansawdd:

- Isadeiledd gwell o safon uwch ar gyfer digwyddiadau yn digwydd ar y sgwar drwy hygyrchedd gwell i ffynonellau cyflenwad trydan ar gyfer adloniant ar y sgwar megis ffair, systemau sain, cerddoriaeth wedi ei recordio ond hefyd marchnadoedd ar gyfer pethau fel goleuo, oeri neu rewi deunyddiau
- Dod a'r gymuned at ei gilydd ar gyfer mwy o ddigwyddiadau cymunedol gan gynnwys grwpiau ar yr ymylon a cynnig cyfle ar gyfer digwyddiadau newydd a mwy amrywiol ddigwydd ar y sgwar
- Yn y gorffennol yn nigwyddiad Top Dre Gwyl Rhuthun cafodd y profiad ei effeithio gan fod y cyflenwad trydan i un o'r llwyfannau cerddoriaeth yn annibynadwy a wnaeth stopio, a wnaeth arwain at y gerddoriaeth yn stopio am gyfnod o 30 munud a wnaeth effeithio ar brofiad y cyhoedd wnaeth fynychu a creu sefyllfa brys ar gyfer trefnwyr y digwyddiad ei ddatrys
- Byddai'r prosiect yn cynnig cyfle ar gyfer mwy o ddigwyddiadau cymunedol gymryd lle ar y sgwar a fydd yn sgil hynny yn cefnogi hyfywedd ac adfywio economaidd canol y dref

Adnoddau Angenrheidiol

Esboniwrch pwy fydd angen bod yn rhan o'r prosiect er mwyn ei gyflawni'n llwyddiannus. Nodwch hefyd a fydd y prosiect hwn yn rhan o gynllun ehangach. Os byddwch yn llwyddiannus, bydd swyddogion perthnasol yn gweithio gyda chi.

Trydanwr ac Arbenigwr Cloc

Ni fydd y gwaith yn ran o runyw gynllun arall. Mae yna fodd bynnag brosiect cymunedol yn cael ei arwain gan wirfoddolwyr i adfer Cloc y Dref. Ma'r Cyngor Tref eisoes wedi cysylltu gyda Pwyllgor Adfer Cloc Tref Rhuthun sydd yn hynod gefnogol o'r cais yma gan ei fod yn darparu cyflenwad trydan dibynadwy ar gyfer contractwyr a fydd ryw ben yn cyflawni gwaith adfer i adeilad y Cloc.

Rheolaeth Prosiect – Byddai Clerc y Dref yn gweithredu ar ran y cyngor tref yn rheoli y prosiect gan gynnwys cyfathrebu gyda cyflenwyr, darparu mynediad i'r adeiladau a phrosesu anfonebau, yn ogystal ag unrhyw dasgau eraill angenrheidiol. Gan fod Clerc y Dref yn gyflogai Cyngor Tref – ni fydd unrhyw costau yn cael eu codi gan reolaeth prosiect.

Ydych chi wedi ymgynghori ag [Aelodau Etholedig y Cyngor Dinas, Tref neu Gymuned lleol a'r Cynghorydd Sir?](#)

Byddai'n well gennym pe byddech yn gweithio mewn partneriaeth â'r rhain.

Do – y 3 Cynghorydd Sir ar gyfer Rhuthun (y Cynghorwyr Emrys Wynne, Bobby Feeley a Huw Hilditch-Roberts) a maent oll yn hynod gefnool o'r prosiect. Mae'r cais wedi ei yrru allan i 15 o Gynghorwyr Tref

Rhuthun a wnaeth bleidleisio yn unfrydol i gefnogi y prosiect.

Effaith Hirdymor y Prosiect

Dylid hefyd ystyried yr effaith ar les ac amgylchedd y gymuned.

Fel a nodir yn canllawiau y gronfa, mae digwyddiadau cymunedol yn ran hanfodol o fywyd pob dydd ar gyfer pobl yn Sir Ddinbych.

Yn Rhuthun, mae gennym nifer o ddigwyddiadau cymunedol sydd yn gael eu trysori'n enfawr am y gymuned lleol a mae trefnwyr digwyddiadau yn edrych i sicrhau eu cynladwyedd hir dymor a sicrhau yr isadeiledd sydd ei angen i'w gwneud yn hawsach i'w trefnu o ran logisteg ond hefyd yn ariannol. Yn hytrach na defnyddio cyflenwadau trydan annibynadwy ac anaddas byddai y prosiect hwn yn sicrhau cyflenwad trydan da iddynt, a all arwain at fwy o ddigwyddiadau cymunedol yn cael eu trefnu ar y sgwar. Mae'r digwyddiadau cymunedol sydd eisoes yn cymryd lle yn cyfrannu'n helaeth tuag at hyfywedd a chryfder canol tref Rhuthun ac yn hyrwyddo y dref ar draws ardal ehangach e.e. digwyddiad Top Dre Gwyl Rhuthun sydd gyda dors 3000 o bobl yn mynychu bob blwyddyn. Mae'n darparu incwm hanfodol ar gyfer busnesau y dref.

Mae lles pobl lleol a'r budion iddynt o ran cael digwyddiadau cymunedol rheolaidd yn amlwg. Mae yn helpu pobl sydd yn ynysig neu unig o bob oed a chefnidir i deimlo yn rhan o'u cymuned. Mae digwyddiadau cymunedol felly gyda effaith positif ar iechyd meddwl pobl yn y gymuned, a rhoi cyfle iddynt gychwyn busnes bach eu huanin e.e. y marchnadoedd, neu weld/cymryd rhan mewn gweithgaredd diwylliannol e.e. yr Wyl.

Heriau i'r Prosiect

Meddylwch am y rhwystrau y bydd angen eu goresgyn er mwyn cyflawni'r prosiect yn llwyddiannus.

Nid yw'r prosiect efo unrhyw wir heriau heblaw am gael ei wireddu mewn pryd ar gyfer digwyddiadau cymunedol yn 2022. Mae'r Cyngor Tref wedi gwneud cyswllt yn barod gyda'r holl rhanddeiliaid a wedi sy caniatadau angenrheidiol ac amcanbrisiau, a felly ddim yn rhagweld unrhyw broblemau neu heriau yn cael ei prosiect wedi ei gwblhau.

COSTAU CYFALAF

Beth yw'r amcangyfrif presennol o gostau cyfalaf y prosiect? Disgrifiwch sut cyfrifwyd y swm dan sylw.	Gwaith Trydanol yn yr Hen Lys = £280.00 Gwaith Trydanol yn Cloc Tref Rhuthun = £640.00 Gwaith arolygu mecwnwaith y Cloc yn dilyn y gwaith trydanol = £150.00 Cyfanswm = £1070.00 (ddim yn cynnwys TAW) (gyda TAW y gost ydi £1,284.00)
---	--

Wrth bennu'r amcangyfrif uchod, ystyriwyd y materion canlynol:	Amhert nasol	NADDO	DO
• Dichonolrwydd (arolygon, ymchwil i'r farchnad ac ati)	IA		
• Rheoli prosiect			IA
• Caffael tir/eiddo	IA		

• Braenaru/adfer tir	IA		
• Gwaith dymchwel a/neu ddiogelwch safle	IA		
• Costau adeiladu a/neu ailwampio	IA		
• Gwaith priffyrdd	IA		
• Seilwaith a chaledwedd TGCh	IA		
• Gosodion, ffitiadau a dodrefn			IA
• Costau rheoleiddio Cynllunio/Adeiladu			IA
• Ffioedd Dylunio (penseiri, syrfëwr meintiau ac ati)	IA		
• Costau a Ffioedd Cyfreithiol	IA		

Ffynonellau cyllid ychwanegol

A wyddoch chi am unrhyw gyfleoedd ar gyfer arian cyfatebol? Os felly, nodwch y rhain isod.

Costau Parhaus

Defnyddiwch y bocs isod i roi unrhyw fanylion ynglŷn â'r ystyriaeth a roddwyd i gostau gweithredu yn y dyfodol a ffyrdd o dalu'r rhain (gan gynnwys costau yswiriant ychwanegol, trwyddedau, cynnal a chadw, ynni a staffio). Dylech nodi'n bendant sut fwriedir cynnal a chadw'r seilwaith a osodir a sut y byddech yn talu'r costau hynny yn y dyfodol.

Mae'r Cyngor Tref yn cytuno i gynnal a chadw y socedau 32 amp drwy gyllid eu hunain ar ol iddynt gael eu gosod gan eu bod yn ran o'u eiddo yn yr Hen Lys, ac yn rhan o wasanethu a profion trydanol rheolaidd yr adeilad. Maeny yn yswirio yr Hen Lys fel rhan o'u portfolio eiddo a byddai yr offer yma yn cael ei yswirio fel rhan o'r polisi yma.

Mae Gwasanaethau Eiddo Cyngor Sir Ddinbych wedi cytuno i gynnal a chadw parhaus o Gloc y Dref ac yn gwasanaethu system drydanol y Cloc yn rheolaidd. Maent yn yswirio y Cloc y Dref fel rhan o'u portfolio eiddo a byddai yr ychwanegiad yma yn cael ei yswirio o dan y polisi yma.

Nid yw yn cael ei ragweld fydd y newdiadau trydanol i'r adeiladau yn arwain at unrhyw gynydd mewn costau cynnal a chadw neu yswiriant. Bydd unrhyw drefnwyr digwyddiadau cymunedol angen gofyn caniatad am ddefnydd gan unai Cyngor Tref Rhuthun (ar gyfer yr Hen Lys) neu Cyngor Sir Ddinbych (ar gyfer Cloc y Dref).

At ddefnydd mewnlol yn unig

FFYDD O RAN CYFLAWNNI

Dylai'r rhan hon gael ei chwblhau gan Bennaeth y Gwasanaeth sydd â chyfrifoldeb dros gyflawniad y prosiect, neu sydd â chyfrifoldeb dros y swyddog yng Nghyngor Sir Ddinbych a fydd yn brif bwynt cyswllt i'r prosiect os bwriedir i sefydliad allanol ei gyflawni.

Pennaeth y Gwasanaeth:	
-------------------------------	--

Lefel Ffydd	Ffyddiog lawn	Gweddol Ffyddiog	Ddim yn Ffyddiog
Pa mor ffyddiog ydych chi fod y gwasanaeth/sefydliad sy'n arwain y prosiect yn meddu ar y gallu i gyflawni'r prosiect?			
Pa mor ffyddiog ydych chi y gellir cyflawni'r prosiect o fewn yr amserlen a nodwyd?			
Pa mor ffyddiog ydych chi y gellir cyflawni'r prosiect o fewn y costau a nodwyd yn yr adran Cyllid Cyfalaf?			
Pa mor ffyddiog ydych chi y bydd y prosiect yn sicrhau unrhyw gyllid allanol a nodwyd yn yr adran Cyllid Cyfalaf?			
Pa mor ffyddiog ydych chi y rhoddwyd ystyriaeth drylwyr i oblygiadau reffeniw'r prosiect, ar sail yr hyn a ddogfennwyd yn yr adran Costau Refeniw?			

Meini Prawf	LLWYDDO	METHU
Ffydd y rhoddwyd ystyriaeth drylwyr i oblygiadau refeniw'r prosiect	Rhoddwyd ystyriaeth drylwyr i'r goblygiadau refeniw i Gyngor Sir Ddinbych yn y dyfodol a gellir rhoi cyfrif amdanynt yn y gyllideb	Ni roddwyd ystyriaeth drylwyr i'r goblygiadau refeniw i Gyngor Sir Ddinbych yn y dyfodol, neu ni ellir rhoi cyfrif amdanynt yn y gyllideb

Os yw'r prosiect yn llwyddo yn y prawf uchod, fe'i hasesir yn ôl y meini prawf canlynol:

Meini Prawf	Sgôr 2	Sgôr 1	Sgôr 0
1. Tystiolaeth o Angen – Seilwaith presennol	Dogfennwyd tystiolaeth bendant ac arwyddocaol o'r angen am y prosiect	Dogfennwyd rhywfaint o dystiolaeth o'r angen	Ni ddogfennwyd unrhyw dystiolaeth o'r angen
2. Pendantrwydd y Canlyniadau	Mae'r hyn y bydd y prosiect yn ei gyflawni'n eglur a diamwys	Dogfennwyd braslun o'r hyn y bydd y prosiect yn ei gyflawni ond mae angen mwy o eglurder	Nid yw'n eglur beth fydd y prosiect yn ei gyflawni
3. Buddion	Mae buddion y prosiect yn eglur, yn fesuradwy ac wedi'u disgrifio'n dda	Nodwyd ychydig o fuddion	Ni nodwyd unrhyw fuddion pendant
4. Effaith – Lles/Amgylcheddol/ Economaidd	Bydd y buddion a nodwyd yn cael effaith ar amrywiaeth helaeth a niferus o drigolion neu fusnesau lleol	Bydd y buddion a nodwyd yn cael effaith ar "gymuned mewn angen" (er enghraifft, clwb chwaraeon, grŵp diddordeb lleol, sector busnes penodol)	Dim tystiolaeth o unrhyw effaith arwyddocaol ar drigolion na busnesau
5. Costau parhaus	Tystiolaeth eglur ac arwyddocaol y rhoddwyd ystyriaeth i gostau parhaus	Rhywfaint o dystiolaeth y rhoddwyd ystyriaeth i gostau parhaus	Dim tystiolaeth y rhoddwyd ystyriaeth i gostau parhaus
6. Ffydd bod y gwasanaeth/sefydliad sy'n arwain y prosiect yn meddu ar y gallu i gyflawni'r prosiect	Ffyddiog iawn – yn gwbl ffyddiog bod y corff dan sylw'n meddu ar y gallu i gyflawni	Gweddol ffyddiog – yn ffyddiog i ryw raddau bod y corff dan sylw'n meddu ar y gallu i gyflawni, ond gyda rhai amheuan	Ddim yn ffyddiog – dim ffydd bod y corff dan sylw'n meddu ar y gallu i gyflawni
7. Ffydd y gellir cyflawni'r prosiect o fewn yr amserlen a nodwyd	Ffyddiog iawn – yn gwbl ffyddiog y gellir cyflawni canlyniadau'r prosiect o fewn yr amserlen a nodwyd	Gweddol ffyddiog – yn ffyddiog i ryw raddau y gellir cyflawni canlyniadau'r prosiect o fewn yr amserlen a nodwyd, ond gyda rhai amheuan	Ddim yn ffyddiog – dim ffydd y gellir cyflawni canlyniadau'r prosiect o fewn yr amserlen a nodwyd
8. Ffydd y gellir cyflawni'r prosiect o fewn y costau cyfalaf a amcangyfrifwyd	Ffyddiog iawn – yn gwbl ffyddiog y gellir cyflawni'r prosiect o fewn y costau cyfalaf a amcangyfrifwyd	Gweddol ffyddiog – yn ffyddiog i ryw raddau y gellir cyflawni'r prosiect o fewn y costau cyfalaf a amcangyfrifwyd, ond gyda rhai amheuan	Ddim yn ffyddiog – dim ffydd y gellir cyflawni'r prosiect o fewn y costau cyfalaf a amcangyfrifwyd